
23. ETAYIEUTUA ISIRAEI OLAIGUANANI – OLAIGUANANI SAULO O ILMALEKI

1 Samueli 15:1-23

(Ore apa olarishani obayie oitajewuo inkera olosho loo Siraeli naa keji Samuel. Ore apa aa enkayioni, neirorie Enkai ninye neliki ninye imbaa naasa to nkolongi napuonu. Ore apa egira abulu, netii apa Enkai tenebo o ninye, naa ore apa pooki natejo nepuonu asipayu, neyiolou olosho pooki ajo oloiboni le Nkai ilo.)

Ore pee eaku ninye oltung’ani kitok nejoki ninye Isiraeli, “Ekiyieu sii iyiook olkinki ana ilkulikae oshon.”

Neitu apa eitiship Samueli ena bae, kake nejoki Enkai ninye, “Atanyaita Isiraeli anaa oloiguanani lenye. Ore apa anaa nayau ninche aitupuku te Misiri, natunguatie ninche nanu neibelekenya kino. Aserem inkitanyaanyukot. Neaku inchoo ninche ina nayieu. Kake inkoo ninche enaiko lelo aiguanak teneitore ninche aita ninche isinkan, neitorogony ninche.

Ore etii nena kikoot, enigil Isiraeli aikilikuanu olaiguanani orik ninche olarrabal. Neitodol Enkai ilo barnoti oji Samueli autaki olbarnoti oji Saulo nebukoki ninye eilata metaa ninye/meitoria Isiraeli.

Neretu Saulo olosho loo Siraeli metimira ilkuti mangati lenye (lelo apa tung’ana otalaikinote Isiraeli aatarai teina kop enkisiligata). Neiteru Saulo aisilig kewan alang enaisilig Enkai. Ore nabo kata, alang’ enaanyu Samueli, olapolosani le Nkai, pee elotu aitayu. Olasarr eton eng’orr olarrabal, neishunye engiriata enye, neureishoyu neitayu ninye openy. Negro Enkai.

Ore ti ae kata, neirorie eimu Samueli, nejoki Saulo meshomo arasaki Ilmaleki, pee epuo aitalaku elap anaa enapa rasakinoto enye tialo Isiraeli te rishata natulusoyie. Naa ilaseremak apa loo nkitanyaanyukot. Nejoki Enkai, “Eishutu pooki toki o metabaiki inchoo enye.” Kake eitu apa ear Saulo olaiguanani lelelo mangati, neya inkishu napir, neitobirr olperere odamunyeiki ninye.

Ore atulusoyie olarrabal, nelo Samueli enetii Saul: Ore pee edolu Saulo ninye nejo “Metamayiani Olaitoriani! Amu ataasa enkitanapata Olaitoriani.

Nejo Samueli, “Kainyioo naa ele toilo loo ntare, o nkishu laningito?”

Nejo Saulo, “Ee, eyautua ilewa lainei intokitin naapirr peyie eitakinyie Olaitoriani, Enkai olasarr. Kake kindipakita kulie tokitin pooki! Kitoning’o Enkai!”

“Entung’uai” neitanap Samuel. “Ijojo intae ilasarr enyorr Enkai alang ening’oto? Aisidai ening’oto alang’ olasarr. Ore eng’olon enkong’u o olwuasa netiu ake anaa eseremata oo nkaitin. Ore amu itemenaitie ororei lo Laitoriani, kitemenayie sii ninye iyie Olaitoriani anaa olaiguanani.” Neibelekenya Samueli ajo alo, neibung Saulo olcholoji lolkila lenye nepolos nejoki Samuel etopolosayie Olaitoriani enkitoria ino taata pee eisho ole latia ino.

Ore enabayie nejo Saulo, “Ayia, ataasa eng’oki. Atigila inkitanapat Enkai. Aturia apa ole orere naming ninche. Neaku ore taat atasayia, tapalikiaki eng’oki ai nirrinyunye alo tenebo nanu, iyanyitaki tenebo kulo payiani lo lorere lai o tedukuya Isiraeli; wou tenebo nanu, pee alo nanu aserem Olaitoriani.”

Nerrinyo Samueli alo, neserem Saulo Olaitoriani, nesesequan Samueli olaiguanani loo Ilmaleki tedukuya pooki, neisik, neitu eigil aadua o Saulo.

ENKIPANGATA E NKISOMA

ENE DUKUYA: Inkilikuana ena kilikuanata eton eitu iliki enkatini

- Itiaka aekata oltung'ani, "maigilena", kake ore tiatua kewan neitu isip? Kainyioo apa pee itang'asa ajo maitoki aekata ena?

ENKATINI: Toliki enkatini ningiligili tenebo anaa olturrur pee eyiolo pooki ng'ae

INKIKILIKUANAT NAIMAKINI TENEBE: Taasishore kuna kilikuanat pee irororie tenebo enaikununo enkatini

KAINYIOO KINTENG'ENA ENA ATINI NAIPARTA ENKAI?

- **Kaji eiko ena atini teneitodolua ajo keeta Enkai engolon sapuk? (keata enkitoria, enkidimata)**
 - o Keata enkidimata pee eitodol kewan Isiraeli eimu osinka lenye Samueli. Amu ketii apa tenebo Samueli neaku ore pooki naatejo nesipayu. Eitadedeyie sii inchere iltung'ana inchere ore apa Samueli naa oloiboni le Nkai.
 - o Keata enkidimata pee eisho Isiraeli olaiguanani negelaki ninche Saulo.
 - o Keata enkitoria pee eany Saulo anaa olaiguanani.
 - o Neisho Samueli enkiyang'et e ng'olon, nerrip ninye pee elo dukuya olaiguanani Saulo.
- **Kaji eiko teneitodolu ena atini nchere KEYIOLO Enkai pooki toki? (netii pooki wueji)**
 - o Etolikio apa Samueli eton aa elati barnoti nena naapuonu aasa too nkolong'i.
 - o Etayiolo apa netolikioo Isiraeli enalotu olkinki aitaas Isiraeli.
 - o Etayiolo apa enalotu ilo aiguanani oji Saulo atiu.
 - o Netayiolo sii apa inchere eitu eyanyit, nening Saulo ninye peyie epal eitu emut Ilmaleki tenebo inchoo enye.
- **Kaji eiko teneitodolu ena atini nchere eisinyati Enkai? (keitoriori, kaasipani, neishoru inkitanapat, niba ing'ok, neipotu keeya metaa olekoisiayio loo ng'ok)**
 - o Etanya Enkai olasarr oitakia olaiguanani Saul ninye amu mme aoa olapolosani ninye. Amu mme apa ninye etegelaka Enkai ena siai. Eitu apa eisilig Enkai oleng' aanyu Samueli.
 - o Etanya apa Saulo. Amu etogolong'ua pee eany EMUT Ilmaleki pooki tenebo masaa enye.
 - o Ore sinyatisho e Nkai naa keyieu enkanyit nalulung'a, enemetii INKIKILIKUANAT arashu inkitolonyat.
 - o Neye Saulo elakuaniki Olaitoriani amu tenkaraki eng'oki enye.
 - o Ore te sipata anaa apa enayieunoyu olasarr eton eitu eiterunye olarrabal Sinyatisho e Nkai.
 - o Eitamioki apa Isiraeli amu etanyaita eorunye maate aing'uaa lelo Kanaani lemeiruk oipoti apa aajo Ilfilisti. Amu ore Enkai naa keyieu olosho Sinyati, olosho otoorunye maate.
 - o **Amaa, kaa pukunoto apa olasarr eyieu Enkai?**
 - Keyieu Enkai olasarr oing'uaa atua oltau, oishorua kewan tenkaraki e Nkai, oltau oisilig Enkai. Ore apa olasarr neme oloropieki Enkai pee emenaa eng'oki. Mme olasarr enkias ake duoo. Kake enkirukoto eing'uaa, naa pee eitayuni tenkoitoi e Nkai ake!
 - o Neitamei Saulo amu eishoo kewan enkisisa alang' enaisho enkisisa Enkai.
- **Kaji eiko ena atini teneiteng'en iyiook inchere keata Enkai empiris? (kenyorrisho, keata olong'urr tialo ilaing'okok, nenana oshoke, neton ake eirorie oltung'ani)**
 - o Eishoo Isiraeli oloiboni oirorie ninche, neutaa ninche.
 - o Eishoo Enkai ninche erishata naitayunye olasarr, aa enkoitoi natumore Enkai ninche.
 - o Eininingo iltung'ana lenyena newali ninche.
 - o Etungiria tialo Saulo oleng'. Eitu ear ninye ina kata ake, hoo Netanya ninye anaa olaiguanani. Keata apa erishata nairridunyie, neitajeuni teina. Neisho sii ninye enkishui naado.
 - o Enoto apa empiris tialo ile Isiraeli pee eisho ninche likae aiguanani oure Enkai.

- o Etolikio ninche, aitadamu inyamalaritin naapuonu teilo kinki.
- o Eitu eing'uaa Isiraeli. Hoo Netanya ninche ninye anaa olaiguanani, nepik tenebo ninche.
- **Kaji eiko ena atini teneutaki iyiook inchere KEISILIGAYU Enkai? (meibelekenya, keibung inkisiligat enyena, keas sii inaja)**
 - o Etobiko Enkai eisiligayu to ile Isiraeli olorere ogeluno laa ninche kenya eimunya olaitajeunoni.
 - o Neitame Saulo pee eitayu olasarr, enkisiyare naa enoo ilapolosak ake.
 - o Ore pee eany Enkai Saulo, nesipayu etanyaki ninye.
 - o Eishorua Enkai enkisiligata inchere keirriu olaitajeunoni eimu ele osho.
 - o Etiaka sii Abrahamu inchere kedek lelo oodek ninye. Eitamio apa Enkai Ilmaleki tenkaraki natarasakita Isiraeli, apa epuku ninche eing'uaa Misiri ilarin kumok otulusoitie.
 - o Eishorua sii apa enkisiligata inchere kegolie Isiraeli, negira taata aretu ninche pee emir ninche ilmangati lenye.

KAINYIOO KINTENG'ENA ENA ATININ NAIPIRTA OLTUNG'ANI?

- **Tia oitoi eitodol iyiook ena atini inchere ore oltung'ani naa olaing'okoni, nenarikino enkitamioto tenkaraki eng'oki enye?**
 - o Etanyaita Isiraeli ilo oitobirua ninche neikonyaa sii olaiguanani. Eitu ninche etem aisilig Enkai.
 - o Neas ninye Saulo intokitin anaa enayieu ninye alang' anaa enayieu Enkai, hoo neibala apa pooki toki. Amu etanya apa ear Ilmaleki pooki amut tenebo inchoo enye anaa apa enaitanapa Enkai ninye metaasa.
 - o Eitayio Saulo olasarr lenye makewan, alang' enaisilig Enkai meishoru olasarr lenye.
 - o Neitayu Saulo enkitanyaanyukoto e makewan. Amu keyieu apa neyiolouni ninye alang' enayiolouni Enkai neishori ninye irrepeta.
 - o Eitayio sii Saulo inkitolonyat tenkaraki engolong'u enye. Neiteeniki isikarini, neiteeniki iltung'ana, nenyok airo anaa oltung'ani sinyati amu egira apa aisudoo nena shoo arashu kishu pee eitayunye olasarr, o kulie ake. Neitodolua sii inchere kewan apa eyiewuaki errepet sidai alang' enaishori Enkai errepet. ("Entoning'oki nanu pooki te dukuya iltung'ana pooki").
- **Tia oitoi eitodolu ena atini inchere keyieu oltung'ani, nemeidim sii kewan arashu aitajeu kewan?**
 - o Ore olosho loo Siraeli naa Enkai ake eirishakinote teilo arrabal pooki.
 - o Ore apa Saulo pee eany Enkai ninye, nemeata hoo nabo naidim ataasa.

Kainyioo kinteng'ena tene naipirta ENJEUNOTO? (Enaiko oltung'ani tenelotu enetii Enkai?)

- **Tia oitoi eitodolu ena atini inchere eidim ake oltung'ani ayeu enetii Enkai te nkoitoe e Nkai? (anaa enayieu Enkai, oo enkipankata e Nkai?)**
 - o Ore oltung'ani naa lasima pee eisilig Enkai oleng' pee etumoki atoning'o ninye. Ore oltung'ani naa lasima pee eisilig Enkai ata tenitii irishat nemeningunoyu arashu egol (anaa eanyunoto e Samueli metabau.)
 - o Ore oltung'ani naa pee elotu enetii Enkai te nkoitoe naishorua Enkai. Nejo Enkai ore ilasarr naa ilapolosak ake oitayu.
 - o Ore Enkai naa oltau eing'orr alang enaing'orr enkanyit e oriong o sesen ake.
- **Keitodolu ena atini inchere lasima pee eata oltung'ani enkirukoto, neirridu sii peyie etumoki aitishipa Enkai, neitajeuni sii?**
 - o Kidol tene inchere ore Saulo neitu elotu enetii Enkai te nkoitoe e nkirukoto, o te nkirridunoto nasipa, naa ina pee etanyaki ninye.

INKIKILIKUANAT NIKIASISHORE TE NKIBELEKENYATA E NKISHUI: (Tegelu enkikilikuanata nabo arashu aare niindim aiteng'enayu.)

- **Indim sa atadamu embae nitetema aishoru inkitolonyat engolong'u enyok alimu imbaa kumok e nkilepata** (anaa Saulo – “kigira apaa aiteng'el nkishu naapirr peyie kintayunye ilasarri”)? Anaata apa itaasa nyoo alang nena kitolonyat?
- **Ekeyieu apa Isiraeli olaiguanani anaa ilkulikae oshon. Tadamu sii enkoitoi nabo nikitorikoyie olkuaak linyi taasa embae?** Kainyioo eyieunoyu pee irridu tialo ina? Amaa enkirridunoto nasipa nelioo etui aja tena bae apa nitaasa?
- **Kaa bae arashu kitukujata igira aima** (anaa ena apa e Saulo egira aanyu Samueli pee eitodol kewan elotu aitayu olasarr) ketii ewueji nikitetemaki pee ias embae te nkoitoi dorrop arashu iturn olng'ash, nilau engiriata egira aanyu Enkai?
- **Tadamu erishata nitoduaa oltung'ani erishata e dukuya, ninteru aiguanare ninye te nkoitoi naje too ndamunot mono, nilotu ayiolou te siadi inchere intaalana. Kainyioo pee idamu ajo intaalana apa? Too ndamunot inono?**